

Վրաստանի արդարադատության նախարարը փաստաբանների պալատում

19.06.2013 11:14

ՀՀ Արդարադատության նախարարության հրավերով, պաշտոնական երկօրյա այցով, Երևան է ժամանել Վրաստանի արդարադատության նախարար տիկին Թեա Ցուլուկիանիի գլխավորած պատվիրակությունը:

2013 թվականի հունիսի 18-ին, պաշտոնական այցի շրջանակներում նախանշված հանդիպումների համաձայն Վրաստանի պատվիրակությունը՝ արդարադատության նախարար տիկին Թեա Ցուլուկիանիին, նախարարի տեղակալ՝ Գոշա Լոռուկիպանիձեն և հասարակայնության հետ կապերի վարչության պետ Մարիամ Սկիլաձեն հանդիպել են ՀՀ փաստաբանների պալատի նախագահ պարոն Ռուբեն Սահակյանի հետ: Պատվիրակությանը ուղեկցում էր Վրաստանի դեսպանատան պատվիրակ Գեորգի Սագանելիձեն:

Հանդիպման ընթացքում քննարկվել են փաստաբանական գործունեությանն առնչվող խնդիրներ, որոնք առկա են ինչպես մեր երկրում, այնպես էլ Վրաստանում: Քննարկվեցին նաև դրանց լուծմանն ուղղված և ներկայումս ընթացող գործընթացները ու օրենսդրական նախաձեռնությունները:

Հանդիպման ժամանակ տիկին Թեա Ցուլուկիանիին խոսեց նաև Հայաստանի և Վրաստանի հանրապետություններում գործող հանրային պաշտպանի ինստիտուտի կարևորության, գործունեության արդի խնդիրների, ինչպես նաև այդ խնդիրների լուծմանն ուղղված արվող աշխատանքների մասին: Տիկին Թեա Ցուլուկիանիին նշեց նաև, որ Վրաստանում անվճար իրավաբանական օգնությունն ամբողջությամբ իրականացվում է պետական բյուջեի միջոցներով:

Նախարարը և պալատի նախագահը պատրաստակամություն հայտնեցին միմյանց աջակցելու դատաիրավական ոլորտում իրականացվելիք օրենսդրական փոփոխությունների հարցում:

Կարինե Ղուկասյան
ՀՀ փաստաբանների պալատ

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```